



## Servetsch forensic en il stabiliment per l'execuziun giudiziala Realta

### Tge è la psichiatria forensica?

La psichiatria forensica en il senn pli stretg s'occupa da dumondas che vegnan tschentadas a la psichiatria da vart da dretgiras e da vart d'autoritads. En in senn pli vast cuvra quest rom quel grond sectur, nua ch'il dretg e la psichiatria sa cruschen. Quest sectur resulta d'ina vart dals problems juridics, sche medis, sche dretgiras e sche autoritads ston s'occupar da personas che han ina malsogna psichica, da l'autra vart dals problems medicinals e psicologics da questas personas d'agir uschia che quai sa cunfa cun noss sistem da dretg.

### Incumbensas dal servetsch forensic en il stabiliment per l'execuziun giudiziala Realta

- Stretga collavuraziun cun il servetsch social dal stabiliment per l'execuziun giudiziala Realta e cun il medi dal stabiliment dr. med. W. Huber. I vegn fatg in barat regular davart la planisaziun da l'execuziun e davart eventualas difficultads che resultan da la situaziun medicinala dals praschuniers. Sch'i fa da basegn vegn in'annunzia per in eventual scleriment u per ina cussegliaziun fatga dal servetsch social dal stabiliment per l'execuziun giudiziala Realta.
- Tractament psichiatric per praschuniers. En quest connex sa tracti da terapias psichiatricas generalas, p.ex. cunter depressiuns u cunter malsognas da dependenza (sin basa voluntara).
- Uschenumnadas psicoterapias che s'orienteschan vi dal delict han d'ina vart sco finamira la reducziun preventiva dal privel da recidivas, da l'autra vart la confrontaziun cun il delict (voluntarmain u en il rom d'ina mesira).
- Controllas da scleriment psichiatricas, sch'igl è avant maun in suspect ch'in tichert praschunier haja in engrevgiament/disturbi psichic.
- Tractament cun prescripziun da heroin (TrPrHr). Questa furma da terapia sa drizza a personas grevamain dependentas. Las premissas d'entrada vegnan examinadas dal team da TrPrHr conform a las directivas da l'uffizi federal da sanadad publica, da las medias e dals medis chantunals pertutgads e da Swissmedic. Las commembras ed ils commembers dal team èn:  
dunna V. Camenisch, manadra da gestiun e lavurera sociala a Realta, signur dr. med. Christoph Burz, medi directiv per la forensica, clinica psichiatrica Beverin, sco er las tgirunzas ed ils tgirunzs dals servetschs psichiatricas dal Grischun che consegnan mintga di il heroin.
- La redacziun d'expertisas per incumbensa da las autoritads giudizialas, da l'uffizi per il traffic sin via e d'autras autoritads.

## Co cuntanschais Vus il servetsch forensic?

- Il forensicher responsabel:  
dr. med. Thomas Villmar, medi directiv per la forensica  
dr. med. Marijana Lechner, medi superiur per la forensica
- → servetschs psichiatics dal Grischun, clinica Beverin, 7408 Cazas
- Fixaziun d'in termin: sur il servetsch social dal stabiliment per l'execuziun giudiziala Realta u sur la direcziun dal servetsch d'assistenza e da segirezza.
- Ils discurs cun il psichiater han lieu en la stanza da discurs dal servetsch social (local Z2-211) u en la clinica Beverin.
- Ura da consultaziun TrPrHr cun dr. med. Thomas Villmar per pazients cun in tractament cun prescripziun da heroin: glindesdi, da las 17.00 a las 18.00, stanza da discurs dal servetsch social (local Z2-211).